

金鎖流珠引卷之四

思三

中 華 仙 人 李 洋 風 注

五等禮師引訣

上奏章表安壇洗浴法註並金鎖流珠經自

有一一具天師曰具注於後思五藏三神勅身衛靈呪發爐禮四方出官讀章復官等法陵垂一一具出在金鎖流珠經中唯禮師具未盡其元禮師太上老君授黃帝禮師法列有科儀具用五等一奏章表禮師二步網禮師三考召治病禮師四行禁炁天地間萬物禮師五行兵入軍入山入水行往他國禮師第一奏章拜表禮師天師舊儀關奏典錄曰治為本受正一之師治版都功全具治炁分明註何謂分明夫天師治有二十四階正治官正炁總交符二十四階二十四生炁是者即是正一度師存禮三拜祝願師下二十四生炁入某身中當令某出官如章所請官將俱出出者嚴裝備衛恭關啓允達上言也謂之正一度師願領二十四治治中二十四生

炁下降入臣身又領治中吏兵功曹使者俱入臣某身中即存之如見著紫衣芙蓉花冠如法簡劔領兵從西北而下禮三拜吹籙師領三將軍功曹使者下存見著絳紉丹衣蓮花冠願師領功曹使者吏兵下降某身中禮

三拜註如若治師兼授正一籙了即只存一師而已不用別存也訖即依拜章表訣捨之即上香是具足法後聖君告天師曰若欲奏章拜表先言太玄都正一平炁係太上陽平治左平炁云云卿所傳吾此治與弟子弟子若奏章即云係天師陽平治左平炁云云即存治師為尊師冠劍紫衣依前項思存訖即行法事係代靈驗

第二步網躡紀禮師玉京飛步秘錄曰夫欲躡地紀飛天網變禹步等網禁之法先存網頭大度師註與夫人作網紀論曰網頭師名大禁師若受此飛步之法須是通靈感動感天地鬼神長教德行能重行用不泄如此之師可師為網頭大禁師於此師受法弟子後修行思存此師一年往往夢見教法二年之

內弟子通神靈感動天地驅使杜廟無不如意依口願言某師羅文強受金鎖流珠經一十五卷籙法正一靈寶三百六十階地紀天網天網之圖後修行不經二年感應神靈天地知妻身願求皆通降應事足多李惠舉註今但隨本師名小聲呼之尊師來乘九色飛

雲仙衣紫服冠簡帶劔從天而降禮三拜註或心禮或真禮訖願師得仙位極上清上真人弟子註則玄同得仙相繼代代不絕於今後身無凶災永去疾厄得入長生身家安穩人口无他敢負師恩乞垂靈祐謹啟即捨三師訣註於左手第四指第一節上橫向左邊是行事日五色絲縛之捨訣畢註經云五色絲縛之訖更須捨五色絲上然後念一咒咒畢即行法事此咒是後聖君秘不傳世人一字萬金不傳念後聖君授赤松子咒註今萬金不妄傳一字秘之太平之號今出是時天地相傳皆因大師元始初得天地結為元始傳授道君先知故稱太上老君保持係代盤古天皇受之人皇地皇第自相師變生五帝

六甲十千十二支開明日月星宿璇璣七政
交備正授伏羲神農黃帝世代家宜因藏務
猶註務猶子成不傳五十年先奔之代傳西
胡西胡為王作師藏千五百歲千五百歲後
更始與藏道也化出西馳註出西化胡王作

佛一千五百年註年滿今歸中國也今正合
歸金闕後聖代代為師教臣誦呪捨目誦之
註此後聖授尹真人為師相傳正呪曰註此
呪是元始天尊結集諸天之系以為真言呪
代代以稱師授之然後即行網有之卷餘

三天籙 蒼天神 赤天光 七天籙
昊天明 青天姓 八天耀 皇天珠
禹餘吞吞 九天鬱 龍天蘇 王天玄
紫至天裕 太羅天林 玄天茂

右十五文言我八十一門赤女母水門可註
已上是後聖君授玄洲二十八真人一時同
誦思存師七年之內二十八人俱一時同昇
玄洲為真人此是陰陽五行之內訣諱也又
是北斗內真妃女之隱名也後聖君非常寶
秘之非人切不可妄傳引敘其十一字在金

鎮派珠上第二卷末時人見不知作何行用
須以此引開解方可知也更有此斗中真人
名諱二字名呼之即存師在面前三步小言
啓師發心步網願師教示臣步躡地紀飛入
天網求生得生求責得責求疾是愈所求皆
得所願皆合學道成仙舉家受福內外雷恩
弟子輩及師恩拜拜開三息唱斗中真人
名能行事斗中真人名閣又府君名閣三呼
之捨北斗訣步網也

第三考召法安壇禮師法正一考召儀曰夫
考召法是考鬼神也事大不小須以清淨
安壇立簾建獄開門引繩繫壇及獄壇開四
門禁步結界以青香案明燈夜一更三點及
可結界勅水禁壇禹步居心丁字遠外嚙水
壇中訖即西立存三元考召正一法師李專
師紫衣飄飄冠劍紫雲飛飛從西北而來
繞壇三匝即與臣禁壇領陽兵往天曹人間
共臣身中籙兵同心併力為某家或收惡鬼
或某事云云又周尊師領陰兵助某身中入
地獄中及水中其家墓中捉某害某家鬼賊

來到壇中勘問所由關啓問奏註一云又奏
用此文奏追捉臣行法依天科行天心正一
之法願賜陽師陰師註如元陽師即自身存
作代本師身訖即捨天師訣目合天師降真
炁一下身中佐臣身行兵布炁放水放水放
師子發遣三元九天將軍與臣同心併力共
擊破某山某廟某賊凶囚宅惡鬼營侶悉令
砂崩瓦碎火燒水蕩捉取精崇腰斬令得疾
病差愈某事即遂云云任於此下添作辭亦
得即行考召事註夫考召思存師於身之前
領兵士者三元總九將軍五德將軍五人兵
馬百千萬人羅列圍繞彼人屋宅及自用即
備自屋宅門戶起捉每一門差一十六人把
一門八人列門一邊把刀刀向地一一立駐
刀一如行軍布列行陣把捉營門戶相似嚴
劫訖即存見本師乘九色雲或師子從東而
來與弟子領兵巡衛件人門戶上下結界禁
呪追捉符牒事須乘尊師於空中放出光
明湧出兵士羅海截地繞天捨獄與臣救出
某親表某人三魂七魄若是女人云十四晚

某親表某人三魂七魄若是女人云十四晚

三魂得離鬼庭之中附著本身今疾病即暗
 差愈檢三師訣訣在左手第五指第一節是
 也本師訣第二節是天師訣第三節是本師
 召天師門下助兵訣後聖君告天師曰夫休
 代思存本師其本師解此法即可思存有靈
 驗如不解此法只明相傳錄符錄經法即不
 用存思之末不益行法不成禁物不伏反其
 禍不可妄行忌之忌之思師出兵一一如法
 其前注即思存二十八宿羅列於身上次九
 將軍吏兵三元備具如法具含弘圖註圖中
 三元兵將具足即捨三元將軍訣註訣在左
 手大指第一節心是訖即向按邊坐儀讀文
 召神鬼上考問作祟之者名字判付徹收禁
 後上赤章請天兵誅斬鬼祟令疾病速差及
 某事速遂云云即答恩効訖辭師註有辭在
 行兵法中此不具重出耳後聖君告天師曰
 此考召法有六種通於人第一能與人治邪
 注疾病收捉祟妖誅斬第二能與人勘天曹
 地府年命長短貧富貴賤第三能與人禁斷
 公私冤對相害第四能與人夫妻男女生命

相剋者令不相剋永世相宜出得金木之災
 水火之害從順無礙第五能與人解除公私
 呪詛冤鬼害神生人死鬼圖謀口舌之害皆
 能消之彼此無害第六能除天地災害風雨
 不時四炁不正毒龍凶鬼淫水淫旱瘟毒鬼
 炁若非正天行者此法能除之又再言告天
 師此六等考召法是太上大道君結習天地
 真正炁為符籙經法約有三元正籙一千三
 百八十一階足即合為考召大法師開文武
 部置左右推巡官判官副考召法師如此者
 是大道妙上救人濟物之大法能受能行不
 欺不妄立取上真此法功滿三千白日拔宅
 家口雞犬共得昇天註音功三十有二等是
 開文武之義也一等文法以學金鎖流珠囉
 地紀飛天網撒為步檢真訣年年月月為之
 不休行除穢除着色口不妄言心不妄傳內
 修陰德或服六甲符文并帶五符步五行誦
 真偽隱閉少言不惑人物令廣造土木宮殿
 營神鐘鼓此色能除之但守心內修按書步
 躡昇服符存正真妙法二七年太上大道君

前聖虛皇與太平金闕帝展後聖玄元玉皇
 上道君三天尊遣使下迎白日上昇文仙真
 官謂之文理法一等武法是老君先授即行
 考召六等救濟人物疾弱功滿三千人物命
 亦三千萬度疾病人知道并及於有功者得
 以歡心潤益三千人此謂之功報應滿三十
 白日昇天此文法一等唯得一身而去不得
 拔宅上昇若一文一武俱行即拔宅家口雞
 犬同得上昇為上天仙王之位
 第四行禁炁天地間萬物禮師壺公先生禁
 炁籙敎云禁天師李伯陽註老君字也禁地
 師羅文強禁網師即壺玄藏此三人是結習
 網禁之主首也學禁之人先須思存此三人
 從空而來雲蓋寶光圓合於項紫衣九雲手
 捻都禁之訣存見面前三步之內心禮三拜
 若炁入處正禮九拜三人一人三拜畢即依
 本訣行禁某事某物甚有靈驗註其訣依本
 禁各檢之檢行禁炁三師訣在左手第四指
 第一節又在第五指第一節文檢訣訖為步
 三遍作禁呪註凡各隨禁某事行用後聖君


告天師曰夫欲知禁天地萬物師名當又別
註應是相替代也禁天師姓趙名伯琴禁地師尹傳之禁鬼師黃天生禁人師張突陵並新補並須相共前師同存心禮而後行百禁皆通神天師係代須有何必只是前人而存

禮總須三拜

第五行兵入軍入山入水行往他國有驚怕
 恐失身之事卒急禮師相救之法註此救身家不得受傳非人必及損於師黃帝得玄女兵機急要錄曰夫從軍入兵不傷者要有九天隱閉之法帝可授之於妾後忽要用思妻為師領兵衛出九天之上離九厄之中隱身而去萬騎無追註從此兵法使式式有九天之上九厄之中有九地之下虛空之中八陣之內八陣之外五行之內五兵之外是司其取其九天之上思本二式師十二式師三十六式師在九厄之中與出萬里之兵九圍八陣之中得隱身而去也此法甚妙難明須是先師一一面點示猶恐不得行帝授之後果逢五十六戰七戰蚩尤等皆大敗帝隱思本

師玄女轉雷公太一六壬之式蓋身而出萬
 兵兵不能見得見帝身身出九天之上註九天之上自有式經具載不復出迴離災害也令學道之人雖無主兵之事然且得道力忽蒙上帝恩盼念見賜天符作十萬之陣救百萬之眾忽應命合先思式書師著紉丹衣執節持式飛空而來保衛弟子身出九天之上願師而降領將軍吏兵註將軍中元下元有六將軍中主兵將軍六人思見各領兵五萬束隨師而下圓身三甲又更遊身三甲隱身於九天之上急急如律令百千萬眾師李其與弟子為大將軍保舉師為副將軍即思存綱頭大禁師註按金嶺流珠師是綱頭大禁師李惠舉乘雲而來駕五色獅子手把天式紫衣到面前三步心禮三拜次禮保舉式師各三拜心禮訖捨三師式訣註訣在左手第五指第一節方邊懷中取式蓋頭上走馬突圍而出入軍陣不傷符五道一入兵不傷符二令彼兵大將感畏敬不損傷符三戰難賊符四出將令強敵符五令眾軍安心強

力能戰雄猛所求如意符
 天上街入兵保不傷符第一 卷內符並朱書



右入兵敵十萬人書彼將名符下以太衝
 加月建天帝印封符
 不被損傷符第二




右天上街入兵保大將感彼軍眾畏敬
 戰難賊符第三



右天上街入兵戰難賊
 出將令強敵符第四



右天上街出將令強敵
 令各軍安心強力符第五



右天上術令衆軍心安力強

已前五符並皆是師一一書甲子日授與弟子弟子後因入軍用思存本師即自一一通

靈朱書使用皆大驗如神出沒不可妄傳天師在西蜀與鬼神戰二十八交戰每陣皆思存後聖君在前鬼神望見後聖君便大敗倒戈後伏死敢有拒敵老君告左右先生曰卿學道須長存思本師行法法術早得成道上

帝遙喜賜得神通出離三界水火土常六甲日及本命日立存本師如見在虛空中五雲之上飄風仙從三元註三元將軍九人各領功曹吏兵百十萬人五德註青龍白虎朱雀玄武黃庭大將軍各一人兵士各隨方萬數

人六甲中千支將軍二十四人註人各兵士六萬人官將一千八百人直符使者三萬六千人玉童一千四百人玉女二千四百人皆隨師從弟子入兵不驚兵士不傷神官秘授入陣皆強急如天曹太一道君律今

右件將軍吏兵百千億萬衆隨師李周沖虛註李是法師周是錄師等行法救弟子出此兵陣破擊彼衆逆黨令如山崩地裂傾沒海水大風揚波走浪衝破衆弟子軍衆心雄力壯保得全強彼須大敗急急如太一尊神律

令即捨都監訣三師訣遊師三訣註都監在左手第一指第一節遊師在第二節捨之三訣託即為步三過了即動鼓為陣看取去就而戰使保无他守固更為上老君告十方真人曰註十方真人蔚那臺耶仁善勝淨加餘來勸等是十方真人之說有十人經文呼為十方天尊是也此十人從盤古三皇已來至於今代唯十人而為十方天尊之位不退不遷鎮於十方之地卿為十方之師鎮於十方世界勸善度人正傳道法不得傳其非人非

揚正教改易邪用翻師易典妄說是非如是之人切不得傳度妄傳得罪師弟俱破如有此輩吾當與卿懺悔令彼此无罪於是西南方真人善勝啓曰臣下有一弟子真淨能為人古雅能言美用唇口或臣又見曾於世師

上經法道士路子真受上經上法周備雖未通靈而且極法臣即授與金錄玉錄上經註是金錄流珠上經三元五行正一之法也上古謂之金錄玉錄金真飛步名也并引四十餘卷授與初受之時寫書未畢臣令且寫寫畢即一時以署師名并保師名而淨能與書

陰暗註古人謂陰謀為陰暗相和也相知代署作父真王靖名稱我是繼代祖父文書不令臣署如此之罪其復如何伏願天尊賜臣大慈大悲之恩見捨妄說之過老君告曰卿罪猶可貸淨能罪多不可見捨此名自反心神謀道背師之罪罪大於不孝父母天地自責不久即亡身敗家註後十年身家俱滅豈非天責也吾此恩弘捨小小非謗及授世代善經教法相繼聲教者即可度脫其罪而況

是金錄玉籙引法皆解脫大道內心印訣躡
 復天地斗服星註一名配天迴天轉地綱紀
 天關此是真正之道其罪科律无捨卿亦退
 仙一階五十年為下界人師治病三千人功
 而補其患後果被退仙一階為扁鵲先生善
 醫病三千人滿復其本位為師之人及思存
 師之人切須精慎故授此盟為存師思師之
 訣令其師弟各自謹節心思其報告註夫為
 師授弟子未可盡一受其道內言秘要之訣
 事須再嘉天曹拔勘可不給付天曹報云得
 過可責保米狀任付亦未可便授亦須更三
 試五試事事過者乃可授之不然前授經法
 錄三等且令備行若也精虔身心不退敬奉
 道師即可授訣然其口訣不可全兩卷三卷
 傳付道要事須秘惜漸漸授與以喜天心上
 帝遠教重此師弟專志之心後聖君告尹喜
 曰為師甚難弟子不易彼此難易故為難易
 註為人心不同多有反敗師道又以師傳不
 真或落符文斷截前後訣要所用不通師弟
 子保得其罪慎之許傳文以三試試之得過

可先傳經法錄三等又且試三年五年志心
 不退及可給與靈書內引引入道門即得繼
 代思師存道行用有靈驗也修身助國救民
 註夫道志之人常行救濟之心每尋師道之
 報而若尊重即代代聖驗咸重通神相承不
 絕思存有神有靈若也告命不行違違道師
 思存救惠甚難有其驗效制鬼理神上賢志
 道依此選訣以為師弟位入仙真註老君說
 師志心與弟子志心奏授正引法訣正度弟
 子弟子志心奉道孝師思存用後即立驗也
 後聖君告諸初修為真者四十九真人註四
 十九真人初學真人行是徐甲施存孔方外
 揚真孝子期孝八百劉根張漸成呂經問周
 上和五登魏華存樊真琪二人是女真李少
 君李少綱王于年韓元信張少真石帆公泰
 交黃泰等四十九人係代相承師道也曰夫
 為正受法錄靈書正引訣旨要弟子者在於
 思師存師也若行往離家百步外或二百三
 百步不論遠近但是所到之處未坐前皆存
 綱頭大禁師乘雲龍及從兵將至心拜三過

願師得真仙玉昇度上天登高位為我註今
 仙皆不稱我此非禮今稱臣是其正禮開
 度五道註後聖言三道八難今張天師改為
 五苦八難稱承未敢全用也五苦八難名入
 仙錄永成真人身家長蒙降賜道恩道力祐
 護敢負師道之恩畢叩齒二十四通捨三師
 訣此法甚妙行之一年百病離身千神保衛
 二年之內身家人口永以平和三年驅使通
 靈天地感應心口四年仙人也但以心懷正
 直无黨无偏五年之內永為仙人二七年欲
 昇即昇欲住即住人間求仕官亦得也

金鎖流珠引卷之四